

ANNVS NOVVS⁹⁰
NOVO AFFVLGENTE SIDERE
NOMINIS IESV 10

Vbertatis, Pacis, & Salutis Nuntio
feliciter faustèq. auspicatus. 58

O R A T I O

Habita in Sacello Pontificio Kal. Ian. 1647.

A D


SS. D. N. INNOCENTIVM X.
PONT. OPT. MAX.

A P. FRANCISCO MORSIO BELGA
TVNGRENSE

Clericorum Minorum.



34-10-F12



ROMÆ, Per Franciscum Monetam. M. DC. XXXXVII.

SUPERIORVM LICENTIA.

EMINENT.^{MO} ET REVER.^{MO}


PRINCIPI

D. RINALDO

DE ESTE

S. R. E. CARD. AMPLISSIMO

FRANCISCVS MORSIVS CLERICORVM MINORVM F.

 ELIX faustumque Tibi sit, Eminen-
tissime Princeps, renascentis Anni pri-
mordium celesti sub fidere NOMI-
NIS IESV auspiciatum. Nec Annus
cior renasci posuit, nec ego faustiora valui E.
apprecari primordia, quàm sub felicissimo fau-
simoque diuini NOMINIS auspicio: siquidem
OMEN est felicitatis, Omen faustitatis, Nu-
z prosperitatis, Sidus denique non infausto lumi-
ominans, aut Famis, aut Belli, aut Pestis ca-
ritatem; sed benigno fulgore ominans triplicè,
est, omnem felicitatem, faustitatemque: ni-
um Vbertatem, Pacem, & Salutem, quamplu-
is mea in Oratione argumentis comprobata.

A 2 At

At fallor, ni hoc ipsum è Regio tuo Stemmata Chri-
 stiana Reipublica inauguratum dixerim. Quid
 enim tria illa tui Regij stemmatis Lilia, nisi trina
 istius Prosperitatis omina, eò certiora, quò gemina-
 ta reflorescunt? Lilia quippe Spei Publica symbola
 non obscura sunt felicitatis faustitatisq; præsagia.
 Nec mirum ea à Te expectari, quæ à Deo preca-
 mur; in terris enim aliquando, ut speramus opta-
 musq. vices ages Dei. Accedit quòd Regia tua
 Lilia cum Aquilis avium imperatricibus sociata,
 haud dubiè portendunt, Romanum inter Imperiũ,
 Regnumque Liliaceum, expectatissimam ineũdam
 fore societatem. Quo etiam fiet, ut tandem opta-
 ta fruatur orbis Vbertate, Pace, & Salute; quam
 Eminentia Tua Deus Opt. Max. perennem lar-
 giatur. Vale.

O R A T I O .



Hic Vlgentissimum diuini NOMINIS iubar , Beatissime Pater , sanguineis cruentę Circumcisionis radiatum comis, veluti crinitus cometa resplēdet terris : non cōminans infaulto lumine renouandā antiquę cladis calamitatem, sed ominās benigno fulgore, sub noui Anni auspicijs, diū optatam nouę felicitatis faustitatem . Siquidem non Famis, non Belli, non Pestilentię nuntius , sed Vbertatis, Pacis & Salutis. O NOMEN faustum omen felicitatum ! Faustissimo diuini NOMINIS omni gratulabunda applaudens sponso decantat sponsa: *Oleum effusum NOMEN tuum.* At quęnam diuini NOMINIS cum olei liquore comparatio? Cant. 1. An quia in splēdidissima Romanę Ecclesię lampade Euangelicum pascit lumen nunquam emoriturum Christianę fidei ? An quia inermes nudosq. Christi athletas in militari huius vitę palestra cum Satana luctaturos inungit ad spem victorię, ad spem triumphi? An quia vel in medijs iniquitatum aquis æterna nutrit diuini amoris incendia ? Bene est . Sed ad rem nostrā me perorasse existi-

A 3 mabo,

mabo, si propter hodierna Vbertatis, Pacis & Salutis felicissima omina, oleo comparatum ostēdero. Oleum quippe, si copiosam prælagit (vaticinante Ioele) bonorum abundantiam; *Ego mittam vobis oleum, & replebimini in eo*: oleum effusum NOMEN Domini propter vbertatem miserrimis temporum calamitatibus copiosissimè effusam.

Isa. 2.

Luc. 10.

Si oleum (inquam) curandis vulneribus à Samaritano applicitum, semimortuum reuocat in vitam: oleum effusum NOMEN Domini propter salutē extremis in vitæ periculis frequentissimè conseruatam.

Plin. lib. 2.
cap. 103.

Denique si oleum furenti pelago infusum discordes componit in pacem procellosos spumantium vndarum fluctus: oleum effusum NOMEN Domini propter Pacem Reipublicæ Christianæ bellorum tempestatibus æstuantī sepiissimè allatā.

Gen. 27.

Quodnam enim NOMEN, aut NVMEN ad Pacem cōponendam tam præpotens; ad salutē donandam tam præsentaneum; *Ad abundantiam de rore cæli & de pinguedine terræ* effundendam tam ferax, quàm NOMEN Domini? Nunquid ipsum adeo ferax, ut virginitatem diuina prole

Luc. 1.

foecundet? Adeste Deiparæ canenti: *Magnificat anima mea Dominum, quia fecit mihi magna qui potens est & sanctum NOMEN eius*. Nunquid

ipsum

ipsum adeo præsentaneum, vt vix inuocatum salutem donet? Excipite Apostolum prædicantem: *Quicūque inuocauerit NOMEN Domini, saluus erit.* Nunquid ipsum adeo præpotens, vt longè latèque dispersa bella dissipet, Pacemque reducat? Audite Dauidem pfallentem: *In Israel magnum NOMEN eius, ibi confregit potentias arcuum, scutum, gladium & bellum, & factus est in Pace locus eius.* Ipsum ipsum est, quo contemptæ in eius obsequium diuitiæ centuplici cum tenore compensantur: *qui renunciat omnibus quæ possidet propter NOMEN meum, centuplum accipiet.* Ipsum ipsum est, quo vniuersus terrarum orbis, quæ bellis dissitus, quæ sectis dissectus, in vnâ fidem Pace propagatam, in vnâ Ecclesiam Pace fundatam, vno sub Capite Pace coronato compositus, gratissima aliquando Pace fruetur: *Et vocem meam, hoc est, NOMEN meum audient, & fiet vnus Pastor & vnum ouile.* Ipsum ipsum tandem est, quo nec sibi Christicolæ venenatos formidant potus: *In NOMINE meo si mortiferum quid biberint non eis nocebit:* quinimò & alijs egritudine languentibus leui manuum tactu salutem impertiuntur: *In NOMINE meo super agros manus imponet & benè habebunt.* Quid ni salutem præ-

Rom. 10.

Ps. 75.

Mat. 19.

Is. 10.

Mat. 11.

ibid.

prælagiret seruatoris NOMEN, si NOMEN eius
Saluator? Quid ni autumatet Pacem, si NO-
 MEN eius *Princeps Pacis*? Quid ni vbertatem
 polliceretur, si NOMEN eius *Nazareus*, hoc
 est floridus? vbi flores, ibi vbertas. Testes sint
 Vbertatis Israelitides, qui Duce Iosue in suo no-
 mine diuini NOMINIS ferente signum, ingres-
 si sunt terram (conspicuo Iustini Martyris suffra-
 gante testimonio) lacte & melle vberrimè ma-
 nanterem. Testes sint Pacis, tum è Pastore gregum
 egregius Hebræorum propugnator Dauid, tum
 perduellium Angelorum expugnator Michael,
 quorum inuicto hoc in NOMINE deuictis hosti-
 bus (triumphali Diui Bernardini Senarum trium-
 phi applaudente tuba) alter terris, alter cœlis Pa-
 cem peperere. Testes sint Salutis, quâ Apostolo-
 rum Princeps, quâ Doctor gentium, quorum
 iste *Damasci à fratribus per murum demissus in
 sporta*, *Præpositi gentis Aræta Regis euasit ma-
 nus in NOMINE Domini*: ille sedentis ad por-
 tam Speciosam infirmas claudi plantas solidauit.
 Testis sit (inquam) ipsemet tartareus diuini NO-
 MINIS hostis, qui *voce magna clamans*, *IESV
 fili Dei altissimi*, nè me torqueas; non solum
 omne effugit torturæ supplicium; verum etiam
 in

in gregem sordidissimorum animantium pro vo-
to ingressum impetrauit. **NOMEN** *super omne* Philp. 2.
nomen cuius amplissimo Maiestatis imperio *omne*
genus curuatur Cælestium, Terrestrium, & Inferno-
rum; quia & Coelis paciferum; & terris foecundū,
& vel ipsis Inferorum Spiritibus propitium. Reso-
net igitur à Solis ortu vsque ad occasum ac Coelos
Terraq. & Inferos personet applausus Spōse: *Oleū*
effusum NOMEN tuum. Cæterum liceat mihi
pro coronide augustissimum **NOMEN** admiradis
olei virtutibus gloriosum coronarijs oliuæ frondi-
bus à Jeremia Propheta confertis coronare: *Oli-* Gm. 11.
uam uberem fructiferam, speciosam vocauit Domi-
nus NO MEN tuum. Oliuam verè vberem
NOMEN Domini appellauerim incomparabili
coelestium baccarum abundantia vniuersam locu-
pletantem terram; nedum Pontificio Gratiarum
FIAT geminato, sed & Diuino Coeli Terræque
conditore: nam *maiestate NOMINIS eius re-* Pf. 71.
plebitur omnis terra: Fiat, Fiat. Oliuā verè fructi-
ferā nuncupauerim viuifico salutis fructu onustā:
nam Pharaone marinis fluctibus obruto *Salua-* Pf. 105
uit Israel propter NOMEN suum. Oliuam verè
speciosam prædicauerim præclaro Pacis symbo-
lo decoratam: nam *in NOMINE meo demonia* Mat. 16

eijcient, hoc est, bella dæmoniorum Zizania, eradicabunt, Pacem seminabunt. Quemadmodum enim vniuersali per orbem grassante diluuij strage, ramus Oliuæ in ore Columbæ, veluti fides in aëre benignum naufrago affulsit mundo prænuntius, tum confirmatæ Pacis, tum redditæ Vbertatis, tum conseruatæ Salutis: ita profectò sanctissimum Redemptoris NOMEN Oliuæ titulo insignitum, in ore Columbæ, hoc est Ecclesiæ: nam *Vna est Columba mea* accinit Sponsus; fausti adinstar in cœlo luminis etiam si criniti Cometæ referētis imaginem, certissimum esse omen felicitatum nemo inficiabitur.

Ita est. Ipsa enim Veritas plusquàm vetissima asseuerat: *Si quid petieritis Patrem in NOMINE meo ipse dabit vobis.* Dabit Vbertatem. Dabit Pacem. Dabit Salutem. Dabit Vbertatemq; sed abundantia Pacis affluentem. Dabit Pacemq; sed Vbertatē Salutis abundantem. Dabit Salutemq; sed tum Pace, tum Vbertate redundantem. Dabit Salutem languenti corpori, *Vt salutem openemur animæ.* Dabit Pacem bellanti Mundo, *Quam Mundus dare non potest.* Pacem. Dabit Vbertatem ægestate laborantibus *In abundantia benedictionis.* Dabit Vbertatem non modò

ter-

terrenis opulentam bonis ; verum etiam donis
coelestibus refertam . Dabit Pacem non modo ex-
terna foederatorum corona redimitam, verum
etiam interna animorum concordia coronatam .
Dabit Salutem non modo in hac lacrymarum val-
le iucundam, verum etiam in excelsis coelorum
montibus perpetuo beatam . Foelix igitur fau-
stumque sit & Vrbi & Orbi renascentis Anni
primordium, tam felici sub sidere, tam fausto sub
omine, tam augusto sub NOMINE auspicatum,
quod sit benedictum in saecula .

Dixi.



[illegible]

1110



907
65

64

11



Vox exultationis in
iustitia

IN
ORI
TU

Digitized by Google

2111

-75

-10

.11

-11

111

.11

11

11

11



